



REPÚBLIKA DEMOKRÁTIKA TIMOR-LESTE
MINISTÉRIU FINANSAS

Dili, loron 16, fulan-Juñu, tinan 2008

Komunikasaun Sosiál

Ministra Finansas halo diskursu kona-ba akizisaun karreta ba membru parlamentár sira

Ohin, Ministra Finansas, Sra. Emilia Pires, ofisialmente halo ona klarifikasaun kona-ba akizisaun sira kareta nian ba tinan 2008.

Ministra Pires konfirma ona orsamentu estadu tinan 2008 nian ne'ebé inklui ona despeza ba karreta parlamentár nian. “Ami iha responsabilidade atu garante ba membru sira parlamentu nian no pesoál sira atu hetan transporte para hala’o Servisu Estado nian. Ami mós iha responsabilidade atu garante ba karreta sira-ne’e nia seguru, konfiansa no importante liuhotu, despeza ba transporte ne’e aloka tiha hatuir ho valór osan nia.”

Emília Pires fó sai númeru (valór sira) despeza Governu nian kona-ba **manutensaun karreta sira uluk nian** no **karreta sira-ne’ebé aluga** nian, ruru ne’e hotu, ne’ebé iha baibain dehan karreta la natoon ka disponivel ba funsionáriu sira Governu nian hodi hala’o servisu. “Iha tinan haat liubá (2004-2007) Governu gasta tiha ona osan ho total **\$13,005,151.00 USD** hodi aluga karreta no halo manutensaun ba karreta sira tuan/uluk nian.”

“Ida-ne’e la bele halo avaliasaun hanesan pr’atika ida ne’ebé di’ak bainhira konsidera ba osan nia valór ne’e. Montante ida-ne’e haree hanesan ekivalente ho **kareta foun kala besik 389**. Haree ba dezafiu sira país nian, ita tenke prudente liu bainhira halo análize no halo alokasaun ba despeza transporte nian iha ministériu sira hotu.”

Total montante (valór) ne’ebé aloka ona iha Orsamentu Estadu tinan 2008 nian ba karreta foun 26 ho folin US\$901,800, (\$33.400.00 ba Toyota Prado modelu baze ida), negocia ona atu hetan karreta adisionál ida tanba ita sosa karreta iha númeru boot (barak).

“Ita iha de’it orsamentu ba kareta 26, maibé tanba ita sosa barak (dala ida de’it), entaun ita sei hetan karreta 27. Ami konsidera sosa karreta iha tinan 2008 nian hanesan medida aprosimasaun ida hodi harii ami-nia infraestrutura operasionál. Ami mós hanoin ona atu halo revizaun ba kustu transporte nian ho medidas atu hamenus kustu ne’e iha ministériu sira hotu; maibé, Governu nia transporte la’ós aspetu ida operasaun Governu nian ne’ebé bele ignora, ne’e parte ida husi funsionamentu administrativu nian. Ha’u sei hatete katak despeza sira hotu ne’ebé aloka ona ne’e sei hetan monitorizasaun hodi garante prátika jestaun fiskál ne’ebé di’ak liuhotu, no transporte ne’e la’ós exesaun ida.”

Emília Pires mós fó sai estatística sira hudi auditoria transporte nian, ne’ebé inisia tiha ona iha entrege husi Governu anteriór nian, ne’ebé hetan tiha avaliasaun bainhira haree kona-ba desizaun atu sosa karreta foun sira.

Bainhira Governu foun ne’e ofisialmente hala’o ninia knaar, seksaun ‘Assets’ husi Ministerio das Finanzas hato’o ona relatóriu ne’ebé mensiona karreta iha total 2642.

Husi karreta 2642 ne'e:

1. Karreta hirak-ne'ebé uza ba servisu ne'ebé presiza halo manutensaun maka'as: 1736
2. Karreta hirak-ne'ebé la iha kondisaun para servisu nian no la bele halo reparasaun: 707
3. Karreta hirak-ne'ebé klasifika ona hanesan "lakon" iha momentu entregre: 109
4. Karreta hirak-ne'ebé la rejistu iha Governu nian: 21
5. Karreta hirak-ne'ebé iha problema: 69

Númeru hirak-ne'e tama ho karreta hirak-ne'ebé balu hetan husi doadór sira, haree hanesan aloka tiha husi Governu anteriór nian direktamente ba ministériu lineár sira sein halo rejistu iha departamentu Ativu/Patrimóniu Governu nian. Ho ezemplu , doadór ida fó karreta Land Cruiser 50 ba Governu (Estadu), só lima de'it mak rejista iha Governu, liu hussi Departamento Assets, Ministerio Finanzas.

Emília Pires hatutan tan, númeru/variavel hirak-ne'e konsidera ona durante prosesu planeamentu nian, ami hein funcionáriu públiku sira 25.000 ne'e balu bele kontribui ba avaliasaun no progresu kapasidade oioin país nian, ho karreta servisu nian 1736 ne'e. Konsidera katak iha rejiaun remota sira ne'ebé tenke hetan asesu, no ami iha responsabilidade atu servii ema hotu-hotu, feto no labarik sira iha país ida-ne'e, transporte ne'eb'e efisiene la'ós orden ida."

Emília Pires hatete modelu baze karreta ho rotoira ne'ebé sosa ne'e reprezenta metade husi valór karreta luxu nian limitadu ne'ebé hakerek ona iha lei fiskál Timor-Leste nian.

Emília Pires ramata hodi dehan, "iha diskusaun ne'ebé moris ona kona-ba despeza karreta nian iha Parlamentu nia laran, iha média no ho sosiedade sivil. Parte ida atu sai nakloke no Governu ne'ebé transparente ne'ebé responsavel ba verifikasaun públiku nian. Diskusaun sira hotu kona-ba Governu nia despeza ne'e hetan korajen. Ne'e sinál pozitivu ida ba ita-nia país demokrasia nurak ne'e." **RAMATA**

Atu hetan informasaun klaru liután, halo favór kontakta: Sra. Ines Almeida, telefone: +670 723 0032.